

HECHOS DE LOS APÓSTOLES

Cap. 4:23 - 5:23

Maitei angirũ che rendũva. Ñañepyrũ ko árape ñande estudio Hechos capítulo 4 rehegua. Ñane programa mboyve guápe, ñañepyrũ Kuri ñañe'ẽ pe Espíritu Santo pu'aka rehe. Ñamoñe'ẽ jevýta umi versículo 23 ha 24 ko capítulo 4gui, Hechospe:

Hechos 4:23-24 “Pedro ha Juan, ojepoi rire chugui kuéra, oho oñembyaty iñirũ nguéra ndive ha omombe'u chupe kuéra opa he'i vaekue pa'i ruvicha ha myakãhára kuéra. Ohendu rire chupe kuéra oñembo'e Ñandejárape oñondivepa, he'ívo: “Ore Jára, nde rejapo vaekue yvy ha yvága, yguasu ha opa ipype oĩva.”

Pedro ha Juanpe oñeguenohẽ cárcelgui ha ou hikuái pe tupaópe. Omombe'u pe ojehu vaekue. Pe tupaópe oñembyaty hague umi cristiano kuéra. Ro'e péicha nda ijatýi hague araka'eve umi cristiano kuéra. Jahecha kuaa pe hi'oración ndaha'etí peteĩ ñembo'e péicha reínteva. Ha'e peteĩ purahéi ombotuicháva Ñandejárape. He'i hikuái: “Ore Jára, nde rejapo vaekue yvy ha yvága, yguasu ha opa ipype oĩva.” Angirũ che rendũva, rokyhyje pe Iglesiape ko'ağa rupi nahesakái Ñandejára ha'eha pe ojapo vaekue yvy ha yvága, yguasu ha opa ipype oĩva. ¿Ndépa reguerovia, péichaha angirũ che rendũva? ¿Ndépa reguerovia Jesús ha'eha Ñandejára? Péva tuicha mba'e. Péva oñemboyke rupi pe tupaópe noĩri pu'aka.

Ko'ağa rupi umi tupaoha rupi hesarái pe Espíritu Santo pu'akágui, ha ombyaty hağua heta creyentepe ojapo heta mba'e ojejuse hağua pe tupaópe. Pe Iglesia ko'ağa rupi ndoguerekói pe pu'aka ome'ëva pe Espíritu Santo.

Pe Iglesia primitiva oikuaa porâ Jesús ha'eha Ñandejára. Jahecha kuaa ko'ápe umi creyente oñe'ë pe Salmo 2 rehe. Ñamoñe'ë umi versículo 25 ha 26 ko capítulo 4gui, Hechospe:

Hechos 4:25-26 “Ere vaekue Espíritu Santo ha ne rembiguái ore ru ypykue David juru rupi: Maeräpa opu'ã tetã nguéra ha ojapose mba'e opa reítava? Oñomoirũmba yvy arigua mburuvicha guasu kuéra, opu'ã haguã Ñandejárare ha hembiporavo Crístore.”

Pe Salmo 2pe he'íva oiko Jesucristope ojejuka ramo guare. Pe Jesús ha Ñandejára rehe ndojecha'úi hague ojapóma 2000 ary. Ñamoñe'ë umi versículo 27 guive 30 peve ko capítulo 4gui, Hechospe:

Hechos 4:27-30 “Añete, Herodes ha Poncio Pilato, oñomoirũ kóva ko távape tetã ambuegua ha Israelgua ndive, ha opu'ã ne rembiguái marangatu Jesús rehe, nde reiporavo vaekue Mesías ramo. Péicha ojapo hikuái, opa nde ere vaekue oiko haguã. Ko'ágã, ore Jára, ema'ë mba'éichapa ipochy hikuái, ha embopy'a guasu ne rembiguái kuérape omyerakuũ haguã ne ñe'ë kyhyje'yre. Ehechauka nde pokatu remonguerávo hasývape ha rejapóvo techaukarã ha hechapyrãva, ne rembiguái marangatu Jesús rérape.”

Péva ñane mbovy'a. Opavave oñembo'e! Noñembo'úi hikuái anivéma hağua oñemuña chupe kuéra. Rehecha kuaápa oñembo'e hikuái Ñandejárape ome'ë hağua chupe kuéra py'a guasu oñe'ë hağua iñe'ë rehe. Ñamoñe'ë pe versículo 31:

Hechos 4:31 “Ha'e kuéra oñembo'epávo, upe oñembyatyhápe hikuái oryríi, ha opavave henyhẽ Espiritu Santogui, ha omyerakuã kyhyje'ỹre Ñandejára Ñe'ẽ.”

Pe Iglesia rupive ikatu oiko péva. Pe versículo 32pe he'i:

Hechos 4:32 “Heta eterei umi ogueroviáva ha oiko oñondive peteĩ py'úpe ha peteĩ ñe'ẽme. Avave nde'íri imba'énteha upe oguerokóva, oñomba'epa ramo guáicha uvei oguereko.”

Ñambyasy angirũ che rendúva péva ndoikói hague are. Pe angaipa oike pe tupaópe ha péicha rupi nda'aréi oiko. Ñamoñe'ẽ pe versículo 33:

Hechos 4:33 “Apóstol kuéra katu omombe'u meme tuicha pokatu reheve Ñandejára Jesús oikove jey hague, ha Ñandejára oipytyvõ mbarete opavavépe.”

Rehecha kuaápa ha'e kuéra oñe'ẽ jey pe Jesús resurrección rehe. Ha angirũ che rendúva, péva ha'e pe tuicha mba'evéva japredica vaerã. Ñamoñe'ẽ umi versículo 34 guive 37 peve ko capítulo 4gui, Hechos de los Apóstolespe:

Hechos 4:34-37 “Ndaipóri ijapytépe kuéra oikotevẽva, umi oguerokóva yvy térã óga niko ome'ẽ hepyre, ha omoĩ hepykue apóstol kuéra pópe, omboja'o haguã opavavépe, peteĩ teĩ oikotevẽ háicha. Upéicha ojapo vaekue peteĩ levíta hérava José Chipregua, apóstol kuéra ombohéra vaekue Bernabé, (he'iséva pe oporombovy'áva). Kóva oguereko ijyvy, ome'ẽ hepyre ha omoĩ hepykue apóstol kuéra pópe.”

Péicha ndaikatu mo'ái ojejapo heta ary, pe Espiritu Santogui oñemomomyry rupi hikuái.

Ñaikotevẽ jaikove Jesucristo ñane mbo'e háicha.

Ko'ápe oñeñe'ẽ ñandéve Bernabé rehe, jaikuaa porâvéta chupe ñamyesakâvo pe capítulo 5pe Hechospe. Ha péicha ñamohu'ã ñande estudio ko capítulo 4 rehegua. Ko'ağa jahecha kuaa pe capítulo 5pe mba'épa oiko Simón Pedro opredica rire. Ko capítulo 5pe jajuhu pe peteîha mba'e na iporâiva pe iglesia primitivape. Ha upe rire omano Ananías ha Safira.

Pe capítulo mboyve guápe oñeñe'ẽ Kuri ñandéve Bernabé rehe. Ko capítulo 5pe ñañe'êvéta hese. Ha'e peteî kuimba'e imarangatúva pe Iglesia primitivape. Peteî kuimba'e ohayhúva Ñandejárape ha avei ha'e misionero iñirunguera apytépe. Ha'e pe apóstol Pablo irũ ñepyrũ. Oñondive oho Galaciape, peteî tenda hasýva jaike hağua ha Ñandejára ohovasa hembiaapo kuéra upépe.

Ko kuimba'e ha'ete ome'ẽ vaekue heta mba'e oipytyvô hağua tupaópe. Ha opavave oñe'ẽ porã hese. Pe tupao oñepyrũvo opavave oñopytyvô, ha péva ohechauka pe Ñandejára Espiritu sambyhýpe oiko hague hikuái. Ha ko'ağa oike pe mba'e vai tupaópe ohechaukáva ndaikatu véimaha oiko hikuái péicha. Ñamoñe'ẽ pe versículo 1 ko capítulo 5gui, Hechospe:

Hechos 5:1 “Peteî karai hérava Ananías, hembireko Safira ndive ome'ẽ hepýre peteî yvy.”

Jahecha kuaa ha'e kuéra ojaposeha Bernabéicha. Ha'e kuéra ohecha kuaa oñeñe'ẽ porãha hese pe ojapóva rehe. Ha'e kuéra avei oipota péicha oñeñe'ẽ hese kuéra. Ñamoñe'ẽ pe versículo 2:

Hechos 5:2 “Ko kuimba'e oñemoĩ peteî ñe'ẽme hembireko ndive ha oipe'a pe yvy repykuégui imba'erã, hembyre katu omoĩ apóstol kuéra pópe.”

Noĩ vaĩri omboyke hague pe imba'e repykue. Ha'e kuera ikatu ojapo peĩcha. Pe yvy ha'e imba'e kuera. Pe Iglesia primitivape umi creyente ome'ẽ mbaite pe oguerekóva. Ha Ananías ha Safira katu nome'ẽmbái pe imba'e repykue. Ha'e kuera ijapu he'ivo oguerupaha imba'e repykue. Ñamoñe'ẽ pe versículo 3:

Hechos 5:3 “ Pedro he'i chupe: Ananías, maerã piko reheja Sataná ipu'aka nde rehe ha ne mbojapu Espiritu Sántope, reipe'ávo ne mba'erã pe yvy repykuégui?”

Pe Ananías ha Safira ojapo vaiva ha'e ijapu. Ha Pedro oñe'ëve pe versículo 4pe:

Hechos 5:4 “Na ne mba'ei piko ra'e pe yvy, ha reme'ẽ rire hepyre, na ne mba'ei ra'e pe hepykue? Mba'ére piko aipórõ rejapo peĩcha? Ndaha'ei yvypórape nde japúva, Ñandejárape uvei katu.”

Ko'ãga rupi oĩ he'iva pe Espiritu Santo ndaha'eiha Ñandejára. Ha Simón Pedro katu oikuaa pe Espiritu Santo ha'eha Ñandejára. Ha'e he'i ñepyrurã: “Ananías, maerã piko reheja Sataná ipu'aka nde rehe ha ne mbojapu Espiritu Sántope?” Ha upe rire he'i: “Ndaha'ei yvypórape nde japúva, Ñandejára uvei katu.” Jahecha kuaa pe Espiritu Santo ha'eha Ñandejára. Ñamoñe'ẽ pe versículo 5 ko capítulo 5gui, Hechospe:

Hechos 5:5 “Ananías ohendúvo upéva ho'a omano, ha opa ohendúva upéva, okyhyje eterei.”

Oĩ he'iva Simón Pedro ojuka hague Ananíaspe. Ore ro'e Simón Pedro avei oñemondyĩ hague omano ramo guare Ananías. Ndorogueroviái ha'e oikuaáma hague pe oikótava.

¿Reikuaápa angirũ che rendúva mávapa ojuka Ananíaspe? Ñandejára voi ojuka chupe. Ñandejára ha'e pe ome'ẽva tekove ha ha'e avei ikatu oipe'a, oipe'ase vove. Ko'ağa Ananías ha Safira omano. Ñamoñe'ẽ pe versículo 6 guive 9 peve ko capítulo 5gui, Hechospe:

Hechos 5:6-9 “Ha ou mitã rusu kuéra, oñuã pe tetekue ha ogueraha oñotỹvo. Aremi rire, oike Ananías rembireko, oikuaa'ỹre pe ojehu vaekue. Pedro oporandu chupe: Eremi chéve: Peme'ẽ piko ra'e pe yvy upe peje hague hepýre? Ha'e he'i: Hẽe, upe hepýre. Pedro he'i chupe: Mba'ére piko peñemoĩ peteĩ ñe'ẽme pende japu haguã Ñandejára Espiritupe? Péina oúma umi ogueraha vaekue oñotỹ ne ménape, ha ágã nde reraháta ndéve avei.”

Simón Pedro oikuaa pe oikótava pe hambireko rehe. Ha'e ndoikuaái Kuri pe ojuhútava Ananías rehe. Ha ndahasýi oikuaa hağua pe oikótava Safira rehe. Ñamoñe'ẽ umi versículo 10 ha 11:

Hechos 5:10-11 “Upepete Safira ho'a omano Pedro renondépe. Oikévo umi mitã rusu ojuhúma hetekue, ha ogueraha oñotỹ iména ykére. Ha upe iglésia ha opa oikuaa vaekue ko'ã mba'e, okyhyje eterei.”

Pe Iglesia primitivape na ñaimo'ái omanótaha umi ijapúva. Umi creyente kuéra imarangatu eterei upéramo. Ko'ağa rupi nda upéicha véima. Simón Pedro henyhẽ Espiritu Santogui ha ipy'a kuaaiterei ha péva ñamomba'eterei angirũ che rendúva. Péva avei ñaikotevẽ ko'ağa rupi.

Ko'ağa rupi Ñandejára ojapo ramo péicha hetaitereípe ñañoťta. Ha ehecha kuaamína pe oikóva

Ko'áva creyente ndoikói pe Espiritu Santo sambyhýpe. Ha'e kuéra ojesalva ramo jepe ijapu rupi Espiritu Santope oñemboyke umi ambue creyente kuéra apytégui. Ha'e kuéra ojapo peteî angaipa oguerúva mano. Apóstol Juan he'i iprimera carta, capítulo 5, versículo 16pe: *“Oĩrõ oikuaáva hapicha ojapoha ivaíva ndogueraháiva chupe ñemanóme, oñembo'e vaerã ha Ñandejára ome'êta jeikove hapichápe ha'érõ angaipa ndogueraháiva ñemanóme. Oĩ angaipa ogueraháva ñemanóme ha upe tembiapo vaíre nda'etí oñeñembo'e haguã.”*

Ananías ha Safira ojapo ko angaipa. Ha pe Espiritu Santo pu'aka opytáta pe tupaópe ha heta tapicha ojesalváta. Ha pe tupao na imarangatu mo'ã véima oñepyrũ haguéicha. Ymave oñopytyvõ hikuái. Péva omokangy chupe kuéra ha jahecháta mba'épa oiko pe capítulo 5pe. Jahecha kuaa umi apóstol oiporu umi don oñeme'ëva chupe kuéra. Ñamoñe'ë pe versículo 12 ko capítulo 5gui Hechospe:

Hechos 5:12 “Apóstol kuéra rupi oiko heta techaukarã ha hechapyrãva opavave apytépe. Ha oñembyaty joa jepi Salomón Rokápe.”

Jahecha kuaa umi apóstol ikatuha oporomonguera, ikatu ojapo umi milagro. Ñamoñe'ë pe versículo 13 ko capítulo 5gui Hechospe:

Hechos 5:13 “Mavave umi ambue kuérava ndojehe'aséi hese kuéra, opáichavo opavave oguerohory chupe kuéra.”

Upéramo pe tupao kyre'y sa'ive. Péicha ramo jepe heta oí ogueroviáva Jesúspe ha ojesalva. Pe versículo 14pe he'i:

Hechos 5:14 “Ha hetave ohóvo umi ojeroviáva Ñandejárare, kuimba'éva ha kuñáva.”

Jahecha kuaa pe año 300 C. Rire hetaiterei tapicha Romape ojerovia Cristo rehe. Ñamoñe'ẽ pe versículo 15:

Hechos 5:15 “Ha oguenohẽ jepi hikuái hasývape umi okaha rupi hupa ha henimbe kuérape ikatu haguã ohasávo Pedro, ikuarahy'ã guénte jepe ho'a hi'ári kuéra.”

Umi tapicha ha'e pe ojavóva péicha. Simón Pedro ndoikói pe tape rehe ikuarahy'ã guénte jepe ho'a haḡua hi'ári kuéra. Ha'e kuéra ojerovia rupi ojapo péicha. Ñamoñe'ẽ pe versículo 16:

Hechos 5:16 “Ha umi táva ijerekuévo oĩvagui avei ogueru hikuái hasýva ha oguerékóva mba'e pochy, ha opavavépe oñemonguera.”

Umi apóstol opavavépe omonguera. Apóstol Pablo he'i pe tupao okakuaaha pe Ita ári ha'éva Jesucristo. Umi apóstol oikuaa porã peichaha. Efesios, capítulo 2, versículo 20pe, apóstol Pablo he'i: “Peẽ niko, ku ógaicha oñemopu'ãva ita oñemboguapy vaekue ári: umi apóstol ha maranduhára kuéra hína umi ita, ha Jesucristo voi pe ita tuichavéva.” Ñamoñe'ẽ pe versículo 17:

Hechos 5:17 “Pa'i guasu ha Saduseo kuérava oĩva hendive, ipochy eterei hikuái,”

Rehecha kuaápa umi saduceo ha'e pe oñepyryũ vaekue omongyhyje pe Iglesia primitivape. Ñamoñe'ẽ opakuévo pe versículo 17 ha pe versículo 18:

Hechos 5:17b - 18 “ipochy eterei hikuái, ipojái apóstol kuérare ha omoinge koty ypytũ opavavépe guarāvape.”

Umi apóstolpe oñemoinge cárcelpe. Rehecha kuaápa he'i: “Ñandejára remimbou katu,” pe versículo 19pe. He'i Ñandejára remimbou. Nde'íri Ñandejára ángel. Pe Ñandejára ángel Antiguo testamento, ha'e Jesucristo voi onace mboyve.

Ko'ağa ha'e oî yvágape, Ñandejára akatúape. Angirũ che rendúva ha'e omba'apose itupao rupive. Ha'e omba'apose nde ha che rupive jaheja ramo chupe. Ñamoñe'ẽ umi versículo 19 guive 23 peve Hechos capítulo 5gui:

Hechos 5:19-23 “Ñandejára remimbou katu oipe'a pyhare pe koty ypytũ rokẽ ha oguenohẽ chupe kuéra, he'ívo: “Tapeho, ha ñembo'yhápe Tupaópe pemyerakuã opavavépe ko ñe'ẽ jeikove rehegua.” Upe ohendu haguéicha, oike hikuái ko'ẽmbávo Tupaópe ha oñepyrũ oporombo'e. Upérõ pa'i guasu ha umi oïva hendive ohenói hikuái opa Israel myakãhárape ñembyaty guasúpe, ha omondo koty ypytũme apóstol kuéra píari. Umi ñorãirõhára oguahẽvo koty ypytũme katu ndojuhúi chupe kuéra. Upérõ ou jey hikuái, he'ívo:Rojuhu koty ypytũ oñemboty porã ha ñorãirõhára kuéra oï joa okẽ nguéra renondépe. Roipe'ávo katu ndorojuhúi avavépe.”

Angirũ che rendúva, péicha oiko Jesucristo oikove jevy ramo guare. Pe ita ndojepe'ái ha'e osẽ hağa. Ha'e osẽma Kuri pe ita ojepe'a rire. Pe ita ojepe'a ikatu hağaicha oike umi opytáva okápe. Oiko haguéicha ko'ápe.

Ko'ápe japytáta ko árape. Ambue programapoe ñamyesakávéta ñane mbo'epy.

Ehaíke oréve remombe'úvo mba'éichapa ne pytyvõ ko mbo'epy. Reipota ramo umi nota ha bosquejo, ikatu reike reite ore página internet peguápe, kóva ha'e pe dirección atravesdelabiblia.org/notas, atravesdelabiblia.org/notas, ha'e jey atravesdelabiblia.org/notas.

Rehenduse jey ramo ko programa, téra ne rehendúi ra'e peteíva eike jey atravesdelabiblia.org/recursos, ha'e jey atravesdelabiblia.org/recursos.

Angirû che rendúva, roha'ãrõ rehai oréve téra embou peteí mensaje WhatsApp rupive 0981 521 200pe Radio Transmundial Paraguaype, rejerurévo umi nota ha bosquejo ko programa rehegua. Téra ehai oréve internet rupive ko direcciónpe atbparaguay@transmundial.org, ha'e jey atbparaguay@transmundial.org ; roha'ãrõ rehai oréve. Ñandejára tande rovasa porãite.